

EAST ASIAN LIBRARY  
Rm 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

AE

4

L457

1788

v.7

8

THE  
LIBRARY  
OF THE  
MUSEUM  
OF  
NATURAL  
HISTORY  
OF  
THE  
CITY  
OF  
NEW  
YORK



事物異名錄卷二十

慈谿

厲靜菴先生荃

原輯

仁和

關晉軒先生槐

增纂

書籍部

總名

卷軸 南史陸澄傳王儉自以博學多識澄謂曰君少

便鞅掌王務雖復一覽便諳然見卷軸未必多僕


芸編 六帖芸香辟蠹故書曰芸編籤曰芸籤

黃卷 山堂肆考古人寫書用黃卷以藥染之所以辟

蠹一說以雄黃塗之故曰黃卷

策子 雲麓漫抄今人呼書曰策子取簡冊之義







事物異名錄卷二十

慈谿 厲靜菴先生荃 原輯

仁和 關晉軒先生槐 增纂

書籍部

總名

卷軸 南史陸澄傳王儉自以博學多識澄謂曰君少便鞅掌王務雖復一覽便諳然見卷軸未必多僕

芸編 六帖芸香辟蠹故書曰芸編籤曰芸籤

黃卷 山堂肆考古人寫書用黃卷以蘖染之所以辟蠹一說以雄黃塗之故曰黃卷

策子 雲麓漫抄今人呼書曰策子取簡冊之義



青編

梁簡文帝贊事燭青編又陳江總序紫臺青簡

銀編

隋煬帝檄銀編玉策

縹囊

縹帙 文選序詞人才子則名溢於縹囊飛文

染翰則卷盈於縹帙又李白詩求古散縹帙

丹函

縹帙 晏殊觀書表丹函翠蘊縹帙縹囊

黃嬾

林景熙詩黃嬾秋燈餘舊癖註金樓子載有人

把卷卽睡因呼黃卷爲黃嬾又晝睡亦名黃嬾

翠軸

常袞集賢院卽事詩翠軸捲瓊琚

籤軸

程俱詩高堂發新稿重複羅籤軸

經

義府

左傳詩書義之府也



六藝 莊子六經者聖人之糟粕也按六經至漢儒變其說曰六藝

衆說郭 揚子法言五經爲衆說郭

聖海 小學紺珠六籍者聖人之海也

韋編 史記孔子晚而喜易序彖繫象說卦文言讀易

韋編三絕朱子詩擬借韋編訂龍馬又杜甫詩韋經

亞相傳 以下易經

義經 王珪除富弼西京留守制其旋元吉要義經履

道之終

壁經 唐會要祭酒鄭慶餘奏修壁經按壁經卽孔壁

所得古文尙書

書經



刑書

邵子觀物外篇春秋者孔子之刑書也

春秋

大官廚

魏畧司隸鍾繇不好公羊而好左氏以左氏

爲大官廚而謂公羊爲賣餅家

以下左傳

相斫書

魏畧魚豢從隗禧問左氏禧曰左傳相斫書

耳不足精意

齊學

漢書儒林傳公羊氏乃齊學也

以下公羊傳

賣餅家

魏畧鍾繇謂公羊賣餅家詳見前左傳

魯學

漢書儒林傳穀梁子本魯學

穀梁傳

周官經

漢書藝文志周官經六篇註卽今之周官禮

也

周禮

補闕書

魏書賈思伯傳竊尋考工記雖是補闕書相



承已久諸儒著述無言非者

考工記

曲禮

儀禮疏儀禮亦名曲禮

儀禮

禮傳

後漢書祭祀志註周禮爲禮之經而禮記爲禮

之傳

禮記

五經鎔鎔

六藝喉衿

趙岐孟子題辭論語者五經

之鎔鎔六藝之喉衿也又唐薛放曰論語六經之菁

華也

論語

史

玉牒

金冊

文選生必耀華名於玉牒沒則勒洪伐

於金冊按玉牒金冊並國史也

墨兵

羣玉集孫樵謂史書曰墨兵



外傳

韋昭國語序以其文不主於經故號曰外傳

國語

事語

修書

劉向上戰國策敘中書本號或曰國策

或曰國事或曰短長或曰事語或曰長書或曰修書

向以爲戰國時遊士輔所用之國爲之策謀宜爲戰

國策

以下戰國策

短長書

國本

戰國策高誘註六國時縱橫之說一

曰短長書一曰國本

兵士書

老學菴筆記有宗室名宗漢自惡人犯其名

謂漢子曰兵士其子授漢書宮中人曰今日太保請

官教點兵士書

以下漢書

瓠史

類書梁有僧南渡賣一葫蘆有漢書班固真本



宣城太守得之謂之瓠史

穢史 史通魏收後魏書性憎勝已喜念舊惡世薄其

書號爲穢史 後魏書

子

南華經 唐書藝文志天寶元年詔號莊子爲南華真

經 以下莊子

心友 澄懷錄李廷勲以南華經爲心友

家人言 史記儒林傳竇太后召轅固生問老子書固

曰此是家人言耳 老子

冲虛經 唐書藝文志列子爲冲虛真經 列子

通元經 唐書藝文志文子爲通元真經 文子



洞靈經 唐書藝文志亢桑子爲洞靈真經 亢桑子

六籍奴婢 南部新書劉蕡嘗看文中子曰文中子於

六籍猶奴婢之於郎主耳後人遂以文中子爲六籍  
奴婢 文中子

賦

雕蟲 山堂肆考或謂揚雄少而好賦雄曰此童子雕  
蟲篆刻壯夫不爲也

五經鼓吹 晉書孫綽重張衡左思賦每云三都二京

五經之鼓吹也 三都二京賦

詩

詩史 唐書杜甫傳贊甫善陳時事律切精深至千言



不少衰世號詩史

杜甫詩

識書

內學 後漢書方術傳註內學謂圖識之書也

村書

兔園冊 五代史劉岳傳兔園冊者鄉校俚儒教田夫牧子之所誦也

武書

金版 玉璽 類書金版玉璽武書也

玉牒

麟牒 鼠璞玉牒曰麟牒詳見前宮室部

宗譜



家乘 韻會乘者載也取載事爲名孟子晉之乘今宗譜曰家乘義與史乘通

集句

百家衣 冷齋夜話集句詩山谷謂之百家衣

碑銘

寶珠惠 山堂肆考墳墓之路幽昏而得名賢爲碑銘誌卽如寶珠以照之故云寶珠惠

文章

筆 老學菴筆記南朝詞人謂文爲筆故沈約傳云謝元暉善爲詩任彥昇工於筆約兼而有之

翰藻 唐書李百藥傳翰藻沈鬱詩尤其所長

以下佳文



珊瑚鉤 山堂肆考唐詩文采珊瑚鉤喻人文采如珊瑚

珊瑚之明潤也

琅玕 琳瑯 韓愈詩披腹呈琅玕又金薤垂琳瑯按

謂文之可珍者

獼祭 談苑唐李商隱爲文多檢閱書冊左右鱗次號

獼祭魚 以下文弊

餽飣 正字通今以文詞因襲累積爲餽飣

衲被 山堂肆考宋楊億所用故事常令子姪檢出處

每段用小片子錄之綴粘所錄而蓄之時謂衲被

算博士 朝野僉載駱賓王文好以數對號算博士

點鬼簿 山堂肆考唐楊炯爲文好以古人姓名連用



人號點鬼簿

堆垛屍 江氏類苑文章用事填塞故實舊謂之點鬼錄又謂之堆垛屍

詒癡符 顏氏家訓拙文妍思終歸蚩鄙必乏天才勿強操筆世人無才思自謂清華流布醜拙亦已衆矣  
江南號爲詒癡符

謎子

隱語 漢書東方朔傳舍人曰臣願復問朔隱語不知亦當榜

廋詞 齊東野語古之所謂廋詞卽今之隱語而俗所謂謎玉篇謎字釋云隱也



章奏

霜簡 山堂肆考御史出持霜簡入奏天闕

劄子 表異錄唐人奏事非表非狀謂之榜子亦曰錄子宋謂之劄子

跳出 丹鉛錄魏晉儀注寫章表別起行頭者謂之跳出今曰擡頭 章表擡頭

文書藁

檢子 韻會俗謂文書藁爲檢子

書柬

簡札 爾雅簡謂之畢疏古未有紙載文於簡謂之簡札一名畢



尺牘 漢書陳遵傳遵贍於文詞善書與人尺牘王皆藏弄以爲榮

朶雲 唐書韋郇公陟以彩箋爲書記使侍妾裁答陟唯署名自謂所書陟若五朶雲

竿牘 莊子小夫知之不離苞苴竿牘註云苞苴以遺竿牘以問

濶匾 瀛奎律髓註有詩人爲謁客者千求一二要路之書謂之濶匾副以詩篇動獲千萬緡

手畢 山谷題跋子京別紙多云伏奉手畢南人謂畢爲筆因效之

慶削 良書 山堂肆考稱人書簡曰慶削亦曰良書



芳訊 蘭訊 寶札 瓊音 山堂肆考皆書簡名

木夾 丹鉛錄宣和書譜云章孝規嘗爲路魯瞻書雲  
南木夾木夾彼方所謂木契蠻夷之俗古禮未廢故  
其往復移文猶馳木夾

緘音 周必大題跋范成大所攜金主回書云和議再  
成界河山而如舊緘音遽至指鞏洛以爲言

尺楮 江邁謝辟不就啟敬裁尺楮往白前茅

尺素 古詩客從遠方來遺我雙鯉魚呼兒烹鯉魚中  
有尺素書

八行 孟浩然詩今朝偶見同袍友却喜家書寄八行  
瑤華音 李白詩天涯有度鳥莫惜瑤華音



瑤緘 羅隱寄王從事詩貪將醉袖矜鶯谷不把瑤緘

附鯉魚

雙鯉 李商隱寄令狐郎中詩雙鯉迢迢一紙書註古  
人尺素結爲鯉魚形卽緘也

魚緘 張昱詩魚緘尺素雖云密事載空言始可憐

雁封 王差詩雁封歸飛斷鯉素還流絕按謂  
書也

飛書 後漢書註飛書若今匿名書也 以下匿名書

飲章 表異錄飲章匿名文書也見蔡邕傳

名帖

通刺 史記高祖紀註謁謂以札書姓名若今之通刺



也又曰畫刺見釋名

名紙 山堂肆考名紙謂寫名於紙上也今呼名帖  
門狀 清波雜志正至交賀多不親往令人每至一門  
留刺字以表到司馬溫公自在臺閣時不送門狀曰  
不誠之事不可爲也

門牋 楊慎外集唐韋郇公五雲體卽畫刺之遺意晉  
世改畫刺爲門牋畧加一二文句

脚色 朝野類要初入仕必具鄉貫三代名銜謂之脚  
色

### 戶籍

簡籒 正韻簡籒今人戶版籍也

契券

質要

左傳董道逃由質要註由用也質要券契也

傳別

周禮小宰聽稱責以傳別註傳別謂券書也

下手書

周禮司市以質劑結信而止訟註質劑謂兩

書一札而別之也若今下手書疏漢時下手書卽今

畫指券

判書

周禮朝士凡有責者有判書以治則聽註判半

分而合者

分支帳

韓愈詩當如合分支註今時人謂析產符契

爲分支帳額府支券也

串子

文字指歸支取貨物之契曰串今官司倉庫收



帖曰串子

路引

過所 表異錄釋名曰過所至關津以示之張晏註漢紀關傳云傳信也若今過所者卽行路文引也

馬牌

排馬牒 表異錄排馬牒如今起馬牌也

書簽

燕尾 漢書武帝紀金泥玉檢註檢一曰燕尾今世書帖簽

押頭 正字通隋唐藏書皆金題玉躡題押頭也猶今書面籤題

玉池 畫品藏書家卷首貼綾謂之暉又謂之玉池今裝潢家以卷縫罅處爲玉池又口與腹皆名玉池

書楔

玉躔 正字通金題玉躔躔言帶頭小楔以牙玉爲之

書衣

帙 說文帙書衣也按帙如今作書套者是

簾護軍 文房圖贊續簾護軍名密字思謹號湘筠老叟

書囊

方底 漢書外戚傳中黃門持詔記盛綠綈方底師古註方底盛書囊



書篋

笈  
史記蘇秦傳負笈從師註俗呼書篋爲笈

書架

高閣學  
文房圖贊續高閣學名介字友文號清節處

士

書格

庫露  
詞林海錯俗呼書格爲庫露格皮日休詩註俗  
謂書格爲庫露真

藉書具

書櫃  
正字通書櫃藉書具

刻書板

剗刷 山堂肆考剗曲刀刷曲鑿也皆鏤刻之器今人以書雕板爲剗刷

藏書所

墨莊 宋史劉幾死其妻聚書千餘卷指示諸子曰汝父曾謂此爲墨莊令貽汝曹學殖之具

曹倉 拾遺記曹曾積石爲倉以藏書故謂曹倉

瑯嬛福地 瑯嬛記瑯嬛福地多儲秘書張華曾游其處

二酉 山堂肆考大酉小酉山多藏秘書故今藏書室名二酉云

竹素園 翰墨林 張景陽詩游思竹素園寄情翰墨



林按竹素古人所以書者卽典籍也

書訛

亥豕 家語史志晉師伐秦三豕渡河子貢曰非也已  
亥耳按亥訛爲豕也

魯魚 帝虎 抱朴子書二寫魯爲魚帝爲虎

別風 淮雨 文心雕龍尙書大傳有別風淮雨帝王  
世紀云列風淫雨別列淮淫字似潛移

烏焉 董道除正字謝啟烏焉混淆魚魯雜揉按古諺  
書經三寫烏焉成馬

破書

食朽 蟬斷 山堂肆考食朽蟬斷謂書籍壞爛也見

馬懷素傳

封皮

可漏子 山堂肆考可漏子謂封皮也



事物異名錄卷二十一

慈谿

厲靜菴先生荃

原輯

仁和

關晉軒先生槐

增纂

文具部

筆

不律

聿

弗

爾雅不律謂之筆疏筆一名不律許

慎云楚謂之聿燕謂之弗郭云蜀人呼筆爲不律語之變轉

毛錐子

五代史史宏肇曰安朝廷定禍亂直須長槍

大劒毛錐子安足用哉米芾詩斐几延毛子明窓館墨卿按毛錐子毛子皆謂筆也

事物紀原 卷三十一  
管子文 開元遺事有書生謁林甫稱管子文後化爲  
筆

龍鬚友 雲仙雜記邈說射策第一再拜其筆曰龍鬚  
友使我至此

文章貨 龍鬚志唐羅隱喜筆工萇鳳語之曰筆文章  
貨也吾當助子取高價

毛穎 管城子 中書君 韓愈毛穎傳穎中山人也  
秦始皇封諸管城號管城子累拜中書令呼爲中書  
君

毛元銳 文房四譜宣城毛元銳字文鋒封爲管城侯  
毛中書 文房圖贊毛中書名述字君舉號盡心處士



毫錐 山堂肆考白樂天與元微之將應制科各有纖

鋒細管筆攜以就試目爲毫錐

墨曹都統 山堂肆考薛稷封筆爲墨曹都統黑水郡

王兼亳州刺史

藏鋒都尉 清異錄薛濤四友贊曰濡藏鋒都尉之頭

按謂筆也

寶帚 清異錄僞唐宜春王從謙用筆一枝號爲翹軒

寶帚士人往往呼爲寶帚

畦宗郎君 清異錄歐陽通芒筆曰畦宗郎君

尖頭奴 宋百家詩錢次公以墨四丸筆五枝賜楊時

可楊乃作一絕云尖頭奴有五兄弟十八公生四客

卿

毫穎 江少微硯銘松操凝烟楮英鋪雪毫穎如飛人

間四絕按毫穎謂筆也

兔管 瑯嬛記楊達謝姚月華畫芙蓉匹鳥書曰繭紙  
發其枝幹兔管借之羽毛

兔翰 曹植樂府詩筆出狡兔翰

散卓 黃庭堅林爲之送筆詩李慶縛散卓含墨能不  
洩

竹錐 劉言史詩竹錐橫寫叱蘿經

栗尾 蘇軾墨妙亭詩書來乞詩要自寫爲把栗尾書

溪藤按栗尾謂筆也



禿友 清異錄趙光逢見一方輒上題禿友退鋒郎蓋  
好事者瘞筆所在 敗筆

墨

麋丸 西京雜記尚書令僕丞郎月給脡麋墨大小一  
枚一名麋丸見漢東觀記

螺子 大業拾遺記隋煬帝宮女爭畫長眉司宮吏日  
給螺子黛五斛號蛾綠子北戶錄梁朝以墨爲螺

天峯煤 大唐龍髓記馮盛有墨一枚號天峯煤

元香太守 纂異記唐薛稷封墨爲公加九錫拜元香

太守

黑松使者 雲仙雜記明皇御墨曰龍香劑一日見墨

上有小道士呼萬歲曰臣墨之精黑松使者也

陳元 韓愈毛穎傳毛穎與絳人陳元弘農陶泓會稽楮先生友善按陳元謂墨也

松滋侯 文房四譜燕人易元光字處晦燕人也封爲松滋侯按謂墨也

燕正言 文房圖贊燕正言名玉字祖圭號體元逸客石液 夢溪筆談酈延有石油烟甚濃掃其煤爲墨黑色如漆文曰延州石液

洙泗珍 春渚紀聞東魯陳相作方圭樣銘之曰洙泗之珍佳墨也

漆烟 春渚紀聞沈珪爲墨得烟極精名爲漆烟



松文 春渚紀聞支離居士蘇解所製松文皺皮堅緻

如玉

松烟 江少微硯銘松操凝烟曹植詩墨出青松烟

松花 山堂肆考墨名松花

印香子 山堂肆考黃山谷名墨曰印香子

書煤 清異錄引書煤而黯黯按書煤謂墨也

香璧 清異錄蜀人景煥得墨材甚精造五十團印文

曰香璧

元中子 麝香月 清異錄韓熙載燒墨命曰元中子

又名麝香月

黑犀 雲烟過眼錄劉士先一笏題云緝熙殿乙未星

砂胡光烈黑犀一笏

香劑 墨譜毛滄洲作香劑

烏金 元香 本草綱目墨曰烏金又曰元香

龍麝 孔平仲棋戰輸張遇墨詩奕秋約籌局張遇賂

龍麝

烏玉玦 蘇軾謝孫莘老寄墨詩近者唐夫子遠致烏

玉玦

麝煤 韓偓詩蜀紙麝煤添筆媚按麝煤謂墨也又曰

寶煤香煤松煤霜煤

烟丸 梅堯臣詩烟丸事染濡

烏丸 陳師道古墨詩烏丸如漆姿如石



松丸 劉弇詩落紙松丸香

元笏 蘇軾贈潘谷詩何似墨潘穿破褐琅琅翠餅敲

元笏 水蒼笏 點漆壁 楊萬里詩兩圭水蒼笏雙團點漆壁

瘦龍 黃庭堅謝惠墨詩柳枝瘦龍印香字十襲一日三摩娑

冷劑 元好問玉泉墨詩御團更覺香爲累冷劑休誇漆點成

紙

此奴 南齊書王敬則傳世祖御座賦詩敬則執紙曰

臣幾落此奴度內世祖問此何言敬則曰臣若知書  
不過作尙書郎令史耳那得今日

楮先生 韓愈毛穎傳會稽楮先生按謂紙也

楮國公 纂異記薛稷爲紙封九錫拜楮國公白州刺史

楮知白 文房四譜華陰楮知白字守元亦曰好時候  
楮待制 文房圖贊楮待制名田字爲良號剡溪遺老  
尺二寬家 清異錄楊凝式書畫獨步一時求字者紙  
軸堆積凝式見則浩歎曰無柰許多債主真尺二寬  
家也

文畝 清異錄薛濤四友贊曰入文畝以休休按文畝



謂紙也

方絮 通俗文方絮曰紙

楮英 江少微硯銘楮英鋪雪按謂紙也

雲膜 文房四譜雲膜紙也

雲肪 米芾詩象管鈿軸映瑞錦玉麟斐几鋪雲肪按

雲肪謂紙也

楮生 王炎詩剡溪來楮生

赫蹏 漢書趙婕妤赫蹏書注應劭曰薄小紙也

以下紙類

剡藤 溪藤 舒元興弔剡溪藤文今之爲文者皆天

闕剡藤者也按博物志剡溪古藤甚多可造紙故人

卽名紙爲剡藤又蘇軾墨妙亭詩爲把栗尾書溪藤

魚卵 墨藪紙取東陽魚卵虛柔滑淨

雲籃 段成式送溫庭筠雲籃紙有絕句并序

硬黃 山堂肆考秘閣所藏二王書多唐人所臨紙皆

硬黃

凝光 丹陽記齊高帝造凝光紙一名銀光

研光 清異錄姚顗子姪善造五色箋號研光小本

化化牋 清異錄紙之粗惡則供溷材或抄麩麩或包

藥果故曰化化牋

薛濤箋 資暇錄薛濤製小詩用松花牋號薛濤箋

船箋 蜀箋譜凡紙有連二連三連四連者連四一名

船箋



簞札 楊慎外集簞札今之玉板箋

麥光 蘇軾詩麥光鋪几淨無瑕註麥光紙名

烏絲欄 山堂肆考宋毫間紙有織成界道者謂之烏

絲欄 界格

硯

陶泓 韓愈毛穎傳弘農陶泓又洪駒父有陶泓傳按

陶泓謂硯也

墨器 開元文事硯者墨之器

墨海 硯譜黃帝治玉爲墨海篆曰帝鴻氏之硯

研瓦 畫史晉唐皆鳳池研中心如瓦凹故曰研瓦

石虛中 卽墨侯 文房四譜石虛中字居默南越人

拜卽墨侯

石端明 文房圖贊石端明名甲字元樸號岩屋上人  
離石鄉侯 鐵面尙書 雲仙雜記薛稷爲硯封九錫  
拜離石鄉侯鐵面尙書使持節卽墨諸軍事

潤色先生 清異錄薛濤四友贊曰磨潤色先生之腹  
按謂硯也

璧友 清異錄余家世寶一硯背陰有字云璧友

鍾馗 楊升菴集蘇易簡云虢州歲貢鍾馗二十枚慎  
按硯名蓋形如大圭耳考工記云大圭首終葵後人  
訛爲鍾馗

雪方池 清異錄和魯公有白方硯自題硯室曰雪方



池

玉帶生 張憲玉帶生歌自註玉帶生端人也事文丞相爲文墨賓按謂硯也

石友 王炎詩歛穴會石友按謂硯也

石泓 寶泓 黃庭堅詩晴窻影落石泓處又撫摩寶泓置道山按石泓寶泓皆謂硯也

筆架

筆牀 樹萱錄或云筆牀卽筆架又筆架亦名筆格扈班 致虛閣雜俎王羲之有巧石筆架名扈班

石卓 文房圖贊石架閣名卓字汝格號小山真隱筆筒

裘鍾 致虛閣雜俎王羲之有斑竹筆筒名裘鍾

筆托

曹直院 文房圖贊曹直院名導字公路號介軒主人  
按此乃界絲時用以托筆者

鎮紙

千鈞史 清異錄歐陽通號鎮紙曰套子龜曰小連城  
曰千鈞史

邊都護 文房圖贊邊都護名鎮字叔重號句曲山民  
又名安字元安號如石靜君按此乃鎮壓紙旁之物  
今所謂界方是也

界尺



由準氏 清異錄歐陽通號界尺曰由準氏

韓直木 諧噓錄界尺呼韓直木

黎司直 木訥老人 事物紺珠界尺曰黎司直又曰

木訥老人

志齊 抱槧書生 文房圖贊黎司直名合字志齊又

名全字季方號抱槧書生

方正字 文房圖贊方正字名端字士直號惡圓老叟

按此是界絲時所用之尺

隔筆簡 姚氏殘語太祖以柏爲界尺謂之隔筆簡按

此似亦界絲時所用故曰隔筆簡也

裁刀

刁書吏 事物紺珠裁刀曰刁書吏名剛字克之號桂溪野客

治書奴 清異錄裁刀治書參差之不齊者在筆墨視紙間蓋似奴隸職也却有大功於書

簡板

木觚 急就篇註觚者學書之牘或以記事削木爲之蓋簡屬也今俗猶呼小兒學書簡爲木觚章蓋古之遺語也

筭籙 筭籙 博雅筭籙觚也又筭籙亦觚也

漆方士 清異錄王丞相溥與親黨相聞倦於紙札封疊造赤漆小板書其上僕以帊蒙傳去故有漆方士



之名

漆園傲吏

文房圖贊續木奉使名簡字敬行號漆園

傲吏

水牌

七脩類藁俗以長形薄板塗布油粉謂之簡板

以其易去錯字而省紙官府用之名曰水牌

簡槧

癸辛雜志簡槧古無有也陸務觀謂始於王荆

公其後盛行淳熙末始用竹紙

靠手

秘閣

考槃餘事秘閣如圭肚稍虛起恐惹字黑按此

卽今人臨書時所用藉手是也

坐可馮

文房圖贊坐秘閣字可馮號無弦居士

事物異名錄

卷二十一

九

硯匣

西室 太平清話項子京硯匣上有篆文西室二字

紫方館 清異錄歐陽通號硯室曰紫方館

硯屏

平公立 文房圖贊續平待制名樹字公立號大隱先

生

水注

金小相 清異錄歐陽通以金荈盛硯滴曰金小相

水中丞 文房圖贊水中丞名潛字仲含號玉蜍老翁

都承槃

通悟先生 文房圖贊槃都承名藏字利用號通悟先



生

圖章

欵識 輟耕錄欵謂陰字是凹入者刻畫成之識謂陽字是挺出者按俗總名圖章

明信公子 文房圖贊印書記名篆字少章號明信公子

字

筆脚 表異錄柳家新樣元和脚今人稱所寫字爲筆脚蓋本此

小學 西溪叢語杜鄴子夏尤長小學小學謂文字之學也

書名 西溪叢語名書文也外史掌達書名於四方古  
曰名今曰字

籀書 史書 書斷史籀始變古文爲大篆謂之籀書  
又謂之史書 以下篆書

玉筍 舒元興篆志秦李斯變蒼頡籀文爲玉筍篆成  
一家法式又淚亦名玉筍

金剪書 續仙傳唐司馬承禎善篆書別爲一體號金  
剪書

佐書 山堂肆考程邈減小篆取便於隸佐故謂之隸  
書亦謂之佐書 以下隸書

八分書 補筆談今世俗謂之隸書只是古人之八分



書謂從初篆文變隸尙有二分篆法故謂之八分書  
飛白 書斷飛白始於蔡邕在鴻都門見匠人施堊帚  
遂創意焉其體若白而勢若飛王僧虔云飛白八分  
之輕者

真書 西溪叢語庾肩吾曰隸書今之正書也張懷瓘  
六體書論亦云隸書程邈造字皆真正亦曰真書自  
唐以前皆謂楷字爲隸歐陽集古錄誤以八分爲隸  
書也 楷書

真行 草行 書輯劉伯升小變楷法謂之行書兼真  
謂之真行帶草謂之草行 行書

章草 書苑杜操善草書章帝愛之令上表亦作草書

故名章草 以下草書

鸚哥嬌 東坡志林李十八草書謂之鸚哥嬌蓋謂鸚  
哥能言不過數句而已

連綿書 山堂肆考唐呂向工草書能一筆環寫百字  
世號連綿書又唐書作連錦

折釵股 陸游行草詩氣壓唐人折釵股

花書 石林燕語唐人初未有押字但草書其名以爲  
私記故號花書韋陟五雲體是也 押書

墨猪 墨藪王逸少曰凡字多肉少骨謂之墨猪

塗鴉 鎔炳詩病目塗鴉不成字粉牋香墨惜烏絲

畫



粉本 繪圖寶鑑古人畫藁謂之粉本前輩多寶蓄之  
丹青 瑯嬛記姚玉華筆札之暇時及丹青花卉翎毛  
世所鮮及

寫生 東齊記事趙昌善畫花每遶欄諦玩調色寫之  
自號寫生又杜甫丹青引名寫真

墨戲 癸辛雜志趙孟頫善墨戲於水仙尤得意晚作  
梅自成一家

粉墨 杜甫薛少保畫鶴詩豈惟粉墨新  
無聲詩 韻府羣玉古人以畫爲無聲詩

事物異名錄

卷二十一

廿



事物異名錄卷二十二

慈谿 厲靜菴先生荃 原輯

仁和 關晉軒先生槐 增纂

武器部

刀

孟勞 穀梁傳孟勞者魯之寶刀也

徑路 漢書應劭註徑路匈奴寶刀也

露陌 湘烟錄魏文帝造寶刀曰露陌釋名曰巨刀曰

陌露陌精光注射也

大房 枹朴子刀名大房又俎亦名大房

小逡巡 清異錄蜀王建軍中隱語刀曰小逡巡

蛟龍子 盧綸難綰刀子歌淬之幾墜前池水焉知不是蛟龍子

青蘆葉 盧綸難綰刀子歌黃金鞘裏青蘆葉

吳鉤 玉堂閒話唐詩多用吳鉤者刀名也刀彎故名冷艷鋸 庶物異名疏關壯繆青龍偃月刀一名冷艷

鋸

拍髀 逸雅短刀曰拍髀帶時拍髀旁也又曰露拍言露見也

不刺頭 瀛涯勝覽爪哇國腰佩短刀曰不刺頭

歐刀 後漢虞詡傳寧伏歐刀以示遠近註歐刀刑人之刀也 刑刀



睚眦 懷麓堂集睚眦好殺今刀柄上龍吞口是也

以下

刀柄飾

蟋蟀 雜記蟋蟀形似獸鬼頭性好腥故用於刀柄上

劍

屬鏤 左傳王賜子胥屬鏤以死註屬鏤劍也

屬鹿 廣雅屬鹿劍也

玉柄龍 清異錄汾陽王誕日裨將以父所寶玉柄龍奉之按玉柄龍劍也

奪命龍 清異錄蜀王建軍中隱語劍曰奪命龍

堅利侯 清異錄安祿山乞封劍爲堅利侯

護聖將軍 清異錄貞明末帝夜於寢間擒刺客戮之

造雲母匣貯所用劍名曰護聖將軍之館

剛卿

豐城隱君

文房圖贊續莫鄧字剛卿號豐城

隱君

疥癩賓

錦繡萬花谷顧彥輝所備劍號疥癩賓使侍

左右

蘭葉

山堂肆考蘭葉劍名

輕呂

海錄碎事寶劍名輕呂

青萍

文選註青萍古劍名羅鄴詩青萍委匣休哮吼

未有恩仇擬報誰

步光

字典步光劍名見越絕書

短兵

傅休奕歌劍爲短兵



匣龍 孟浩然詩匣龍期剗犀按匣龍謂劍也

匕首 鹽鐵論匕首短劍也長一尺八寸頭類匕故曰

匕首

櫛具 漢書雋不疑帶櫛具劍註應劭曰櫛具木標首

之劍也

腰品 清異錄唐劍具稍短常施於脇下者名腰品

斑蘭物 南史張敬兒傳敬兒旣得開府又望班劍常

曰吾車邊猶少斑蘭物

班劍 象劍 開元禮儀纂漢制朝服帶劍晉代之以

木謂之班劍齊宋謂之象劍

儀刀 玉海古班劍之類晉宋以來謂之御刀後魏曰

長刀皆施龍鳳環隋謂之儀刀裝以金銀羽儀所執

夫襖詞林海錯夫襖劔衣也劔衣

拾室郭廣雅拾室郭劔鞘也方言燕趙之間謂之室

關東謂之廓關西謂之鞞劔鞘

斧

劉書一人冕執劉立於東堂傳劉鉞屬疏蓋今鐃斧

鐵糕糜清異錄蜀王建軍中隱語斧曰鐵糕糜

儀鐙開元儀禮乘輿之前刻木爲斧謂之儀鐙

蕭斧西漢叢語蕭斧或云鉞斧也

銑山堂肆考銑銑短兵也形如小鑿唐秦瓊尤善

用之附



戈

句子 胡子 周禮鄭註戈今句子戟也或謂之雞鳴

或謂之擁頸玉海戈有旁出者爲句子亦名胡子

矛

鉞 鉞 鉞 方言矛吳揚江淮南楚五湖之間謂之

鉞或謂之鉞或謂之鉞

天矢陰 龍魚河圖矛名天矢陰

長鉞 庶物異名疏長鉞長矛也

稍 槩 逸雅矛長丈八尺曰稍又曰激矛激截也可

激截敵陣之矛也通俗文謂之槩

鉞 闕戟 正字通小矛爲鉞卽今闕戟

鶴膝 左思吳都賦家有鶴膝註鶴膝矛也矛骹如鶴脛上大下小謂之鶴膝

鈴釘 正字通鈴釘矛別名郭璞曰鶴膝矛江東呼鈴釘

槍

一丈威 事物紀原一丈威煬帝槍名

肩二 清異錄蜀王建軍中隱語槍曰肩二

戟

大將軍 抱朴子戟名大將軍

鏐胡 鉤鈇 方言戟其大者謂之鏐胡其曲者謂之

鉤鈇鏐胡三刃枝南楚謂之匣戟



鎡鄒 揚雄羽獵賦杖鎡鄒而羅者以萬計註說文鎡  
鄒大戟也又劒名

檠 說文有衣之戟曰檠

弓

烏號 史記黃帝騎龍上天墮弓百姓抱其弓而號後  
世因名其弓曰烏號

曲張 抱朴子弓名曲張太公兵法弓神名曲張  
弭 毛詩拾遺弭者弓之別名

活 雞林類事高麗方言謂弓曰活

潘尙書 清異錄蜀王建軍中隱語弓曰潘尙書

嬰圃老人 文房圖贊續弓矢字子勁號嬰圃老人

馮珧  
庶物異名疏天問馮珧決封豨是射馮珧弓

卷之四

王

名山堂肆考弓似蜃者謂之玳

敏繁弱 鉅黍 孫卿子繁弱鉅黍古之良弓也

綠沉  
廣志綠沉古弓名

白間 風俗通白間古弓名又窓名白間

弧 器物總論木弓曰弧有臂弓曰弩

韞 橐 𨔵 韉 韊 韋 器 物 總 論 弓 衣 曰 韞 一 曰

處

駿  
北

鞞鞞

贛

器

物總論

咄弓衣

水曰韞

一曰

藁一曰彘一曰韞韞又方言弓藏謂之韞或謂之韞

一  
日

張  
一  
口

日報

韃靼

夕

与藏訓

明之辭

或謂

之贖

衣弓

弩

漢書司馬遷傳張空脊弩弓也



大黃 漢書李廣傳左賢王將四萬騎圍廣廣身自以

大黃射其裨將註服虔曰大黃黃肩弩也

擘張 蹶張 漢書師古註弩以手張者曰擘張以足

踏者曰蹶張

遠望 抱朴子弩名遠望太公兵法弩神名遠望

黃間 潘岳射雉賦捧黃間以密殼註黃間弩名也又

漢書晉灼註作黃肩

銅牙 山堂肆考銅牙弩名

百步王 清異錄蜀王建軍中隱語弩曰百步王

巨櫟 黃香九宮賦操巨櫟之礮弩註巨櫟弩名也

神臂弓 曲洧舊聞神臂弓其實弩也

遠兵 傅休奕歌弩爲遠兵

櫺 說文櫺所以盛弩矢人所以負也 盛弩矢器

矢

鏃 箭 方言自關而東謂之矢江淮之間謂之鏃關

西曰箭

金僕姑 左傳以金僕姑射南宮長萬註金僕姑矢名

綦衛 列子鴻超怒其妻而怖之引烏號之弓綦衛之

箭射其目

忘歸 孔叢子楚王載忘歸之矢射蛟兕於雲夢

徬徨 抱朴子矢名徬徨

信往 初學記矢一名信往



飛蟲 方言箭之鏃長尺六者謂之飛蟲

飛鳧 電影 太公六韜註飛鳧赤莖白羽電影青莖

赤羽 又競渡船亦名飛鳧

白羽 山堂肆考羽箭曰白羽

赤羽 雲麓漫抄杜少陵故衛將軍挽詞有曰赤羽千

夫膳赤羽謂箭言弦不虛發發必得獸可以供千夫之膳

飛郎 清異錄蜀王建軍中隱語箭曰飛郎

鎖雲 謝氏詩源更羸善射能仰射入雲中因名箭曰

鎖雲

鉞 鉞 方言箭鏃謂之鉞或謂之鉞 以下箭鏃

髀 鏑 髀 鏑 髀 唐六典骨鏑曰髀鐵鏑曰鏑鳴箭

曰散霹葉曰鈚

剛罍 文選註剛罍弩矢鏃也以鐵爲之形如十字各

長三寸方似罔罍故曰罍焉

鳴鏑 漢書註鳴鏑髀箭也 以下响箭

嚆矢 莊子焉知曾史之不爲桀跖嚆矢也註嚆矢矢

之鳴者俗謂響箭

冰 左傳執冰而踞註冰箭桶也 以下箭桶

櫝丸 詩抑釋撝忌服虔云撝櫝丸蓋杜預云櫝丸是

箭桶

步叉 通俗文箭服謂之步叉 以下箭服



夏服 相如子虛賦右夏服之勁箭註夏服卽今之步

叉也

筇簾 篇海筇簾箭室

鞬韞 張翥詩後軍紉鎧甲白羽攢鞬韞按鞬韞盛箭室

決

引弦驅 周禮繕人決拾註決謂引弦驅也拾謂鞬扞也

擠機 庶物異名疏決今俗呼爲擠機

的

射帖 稗史類編射的俗亦曰射帖

甲

介函 釋名甲亦曰介亦曰函又口下名函

人鎧 宋史儀衛志甲人鎧也

金翅將軍 清異錄葛從周有鐵甲嘗以候尅劔其驗如神號曰金翅將軍

千金使 清異錄蜀王建軍中隱語甲曰千金使

鐵室 留青日札鐵室卽今渾身鐵甲言如室之蔽身也出韓非子

浴鐵 表異錄侯景浴鐵數千葉翼衛左右証言鐵甲堅滑若以水浴之也見梁紀

針 說文臂鎧謂針 臂鎧



具裝 宋史儀衛志具裝馬鎧也

馬鎧

胄

兜鍪 書善敎乃甲胄疏胄兜鍪也或作兜牟

首鎧 說文首鎧謂之兜鍪亦曰胄

鞬鍪 漢書韓延壽傳被甲鞬鍪註師古曰鞬鍪卽兜鍪也或作鞬鞬

突厥 漢書音義突厥居金山工於鐵作金山狀如兜鍪俗呼兜鍪爲突厥因爲國號焉

鉦鍛 說文頸鎧謂之鉦鍛

頸鎧

岑牟 後漢書禰衡傳身著岑牟鼓角士胄也

鼓士  
胄

盾

伐 櫓 詩蒙伐有苑傳伐中干也疏櫓是大盾故以伐爲中干干伐皆楯之別名也又伐亦參星名

撥 史記孔子世家矛戟劒撥註撥謂大盾也

吳魁 釋名盾遜也跪其後避刃以隱遜也大而平者曰吳魁本出於吳爲魁帥者所持也

露見 木絡 釋名盾約脅而鄒者曰陷虜言可以陷破虜敵也今謂之曰露見是也以縫編板謂之木絡

傍牌 兼明書干一名楯一名櫓漢書曰血流漂櫓櫓卽干俗呼爲傍牌又傍牌或作旁排逸雅又曰彭排犀渠 左思吳都賦戶有犀渠註犀渠盾也



背嵬 章氏槁簡贅筆背嵬卽圓牌也又圓牌亦作團牌

鐵蒺藜

渠咎 漢書晁錯傳布渠咎註蘇林曰渠咎鐵蒺藜也  
冷尖 清異錄蜀王建軍中隱語鐵蒺藜曰冷尖  
鬼箭 正字通兵法鬼箭卽鐵蒺藜人足著此卽腫不能行夜散布要路故名鬼箭

刁斗

金柝 卓氏藻林金柝軍中警夜刁斗也

砲

霹靂車 拋車 後漢書掾乃發石車擊紹樓皆破軍

中號曰霹靂車註以其聲震烈呼爲霹靂卽今之拋車也

震天雷

稗史類編鐵砲曰震天雷

飛山兵

玉海開寶八年十月出元武門幸西教場觀

飛山兵按謂砲也

雲梯

鉤援

毛詩註鉤援鉤梯也所以鉤引上城卽雲梯也

又雲梯亦曰飛梯

軍幕

穹廬

拂廬

漢書註穹廬旃帳也唐書名曰拂廬

碧油幢

張仲素塞下曲燕然山下碧油幢文選註軍



幕也

兵架

蘭錡 張衡西京賦武庫禁兵設在蘭錡註錡架也受  
他兵曰蘭受弩曰錡

烽

權火 漢書張晏註權火烽火也狀若井挈臯矣其法  
類秤故謂之權火

三ノノノノノ

ノノノノノ

ノノノノノ



事物異名錄卷二十三

慈谿 厲靜菴先生荃 原輯

仁和 關晉軒先生槐 增纂

蔬穀部上

蔬

藪 爾雅菜謂之藪註藪者菜茹之總名

疏材 周禮臣妾聚斂疏材註疏材百草根實之可食者

雨甲 表異錄山谷咏菜曰雨甲烟苗

此徒 豫章記宋宇種蔬三十品時雨之後按行園圃曰天苗此徒助予鼎俎

葵

百菜王 爾雅翼葵百菜之王味尤甘滑

陽草 農書葵陽草也爲百菜之主

滑菜 本草綱目採葵必待露解故曰露葵今人呼爲滑菜言其性滑也古者葵爲五菜之主今已不復食矣

屏風 楚辭紫莖屏風文緣波些三註屏風水葵也生於池其莖紫色 水葵

天葵 蓐 雷丸草 本草綱目菟葵一名天葵一名蓐一名雷丸草 菟葵

胡胭脂 滕兒菜 食物本草落葵菜一名胡胭脂俗



名滕兒菜 落葵

菘

心子菜 筍奴 菌妾 清異錄江右多菘菜鬻筍者  
惡之罵曰心子菜蓋筍奴菌妾耳

晚菘 逸雅菘亦菜之總名周顒曰秋末晚菘卽今之  
白菜 以下白菜

水晶菜 全芳備俎楊誠齋名白菜爲水晶菜

箭竿白 正字通京口之菘爲上曰箭竿白

四月梵 正字通四月梵卽油菜開花黃如金摘心爲  
菜茹其旁心結子可榨油 以下油菜

雲臺 臺芥 胡菜 寒菜 本草綱目雲臺淮人謂

之薑芥卽今油菜種自胡來故服虔通俗文謂之胡菜而胡洽居士百病方謂之寒菜

蕓薹 集韻蕓薹菜名一名芸薹又食物本草興渠卽阿魏也

花交菜 戒菴漫筆杭州俗呼黃矮菜爲花交菜謂近諸菜多變成異種民間嘗以此詈人如魚中之魴也  
以下黃矮菜

黃雅 萬歷杭州府志矮黃菜味美冠諸菜杭人詔爲黃雅

荇達菜 本草綱目恭菜一名荇達菜 以下恭菜

荇蒿菜 食物本草荇達卽荇蒿菜一名恭菜



芥

水蘇 勞祖 吳氏本草芥菹一名水蘇一名勞祖

臘菜 本草綱目芥有數種青芥又名刺芥大芥亦名  
皺葉芥又有馬芥花芥紫芥石芥冬月食者俗呼臘  
菜春月食者俗呼春菜

春不老 學圃雜疏芥多種以春不老爲第一

蔥

和事草 清異錄蔥能調和衆味名和事草

壽菹 唐韻壽菹菜名蔥也

菹 菜伯 鹿胎 本草綱目蔥一名菹一名菜伯

名鹿胎菹者草中有孔也初生曰蔥針葉曰蔥青衣

曰蔥袍莖曰蔥白

樓蔥

龍角蔥

羊角蔥

本草綱目頌曰入藥用山

蔥胡蔥食品用冬蔥漢蔥又有一種樓蔥亦冬蔥類

江南人呼爲龍角蔥其皮赤每莖上出岐如八角故

云瑞曰龍角卽龍爪蔥又名羊角蔥

龍爪蔥

凍蔥

慈蔥

太官蔥

木蔥

本草綱目保昇曰冬

蔥卽凍蔥時珍曰冬蔥卽慈蔥或名太官蔥謂其莖

柔細而香太官上供宜之也漢蔥一名木蔥其莖粗

硬故有木名

冬蔥漢蔥

蒜蔥

回回蔥

本草綱目胡蔥俗稱蒜蔥飲膳正要

作回回蔥

胡蔥

蒜

麝香草 清異錄五代宮中呼蒜為麝香草

葫 葷菜 本草綱目孫愐唐韻云張騫使西域始得

大蒜則小蒜乃中土舊有而大蒜出胡地故有葫名

二蒜皆屬五葷故通可稱葷菜

大蒜

茆蒜 伏候古今註蒜茆蒜也俗謂之小蒜又食物本

草以薤為小蒜

小蒜

藁 本草綱目爾雅以藁為山蒜自藁移栽野澤故有

澤蒜之名又有石蒜同一物也但分生于山澤石間

不同耳

山蒜

韭



豐本 禮記韭曰豐本

嬾人菜 爾雅翼韭者嬾人菜以其不須歲種也

豆實 春秋繁露宗廟之祭春上豆實豆實韭也春之所始生也

一束金 清異錄杜頤食必有韭人潛取棄之頤怒罵曰狗奴安得去此一束金

草鍾乳 起陽草 本草綱目韭一名草鍾乳一名起陽草莖名韭白根名韭黃花名韭菁

薤

鴻薺 爾雅薺鴻薺註卽薤菜也

藟子 蓀子 火葱 菜芝 本草綱目薤韭類也今

人用其根白呼爲藟子江南人詔爲葢子其葉類蔥  
種宜火薰故俗人稱爲火蔥羅願云物莫美于芝故  
薤爲菜芝

守宅 家芝 酉陽雜俎蔬薤白華一名守宅一名家  
芝

五光七白靈蔬 无上秘要五光七白靈蔬者薤菜也  
薤

禦濕菜 說文薤禦濕之菜也

百辣雲 清異錄生薤名百辣雲

番韭 彙苑詳註薤一名番韭

穰菜 方言薤之小者謂之穰菜

萎

蘼萎

博物志張騫使西域得胡萎俗呼蘼萎

香萎

鹽萎

鄴中記石勒改胡萎爲香萎今呼爲鹽

萎

胡菜

本草綱目胡菜亦名胡菜又油菜名

懷

八月珠

本草綱目懷香一名八月珠北人呼爲茴香

慈謀勅

本草綱目蒔蘿一名慈謀勅一名小茴香

蒔美中

藥譜蒔美中蒔蘿也

薺

甘草

師曠占術歲欲豐甘草先生甘草薺也又茶名



護生草 本草綱目薺生濟濟故謂之薺釋家取其莖

作挑燈杖可辟蚊蛾謂之護生草云能護衆生也

薺 大戟 馬辛 本草綱目薺一名大戟一名

馬辛時珍曰薺與薺一物也但分大小不同耳小者爲薺大者爲薺

地英菜 正字通正二月開花名蝸螺薺俗呼地英菜

薺

莫實 本草綱目別錄曰莫實一名莫實李當之曰薺

實卽薺菜也保昇曰薺有六種赤薺白薺人薺紫薺

五色薺馬薺也頌曰人薺白薺亦謂之糠薺又謂之

胡薺或謂之細薺其實一也但大者爲白薺小者爲

人莧耳赤莧亦謂之花莧又細莧俗謂之野莧猪好食之又名猪莧

蕒 爾雅蕒赤莧註赤莧一名蕒今莧菜之赤莖者也  
鼈還丹 清異錄紅莧爲鼈還丹

人苕 顏氏家訓詩云參差苕菜河北人皆以參差爲  
莧菜人莧爲人苕

茄

草鼈甲 芝田錄茄子方家治瘡謂之草鼈甲

落蘇 崑崙紫瓜 崑崙味 清異錄落蘇本名茄子隋

煬帝緣飾爲崑崙紫瓜人間但名崑崙而已

荼

苦菜 游冬 爾雅茶苦菜疏此味苦可食之菜也一

名茶草一名選一名游冬按此與爾雅續苦茶之茶有別彼是茗木類此苦菜乃草類也

老鸛菜 天香菜 苦蕒 苦苣 本草綱目苦菜一

名老鸛菜一名天香菜卽苦蕒也家栽者呼爲苦苣實一物也又唐本草註吳葵卽苦菜

鴛兒菜 升菴外集苦菜俗作鴛兒菜又名野苦蕒按李時珍謂苦菜卽苦蕒未知孰是

胡扇 類山胡扇卽苦苣菜

蓴

水葵 鳧葵 詩思樂泮水薄采其茹陸疏云江東或



謂之水葵朱註云茆鳧葵也江南人謂之蓴菜

蓴茆 博雅蓴茆鳧葵也

蓴菜 埤雅蓴逐水而性滑故謂之蓴菜

露葵 顏氏家訓蔡朗父諱蒨遂呼蓴菜爲露葵

鮓躑 水戾 庶物異名疏鮓躑藻韻謂卽蓴菜又名

水戾

錦帶 馬蹄草 蔬譜蓴一名錦帶一名馬蹄草

懸葵 格物論蓴一名懸葵

滑碧髯 楊誠齋詩割得龍公滑碧髯按謂蓴也

蓴龜 酉陽雜俎蓴根絕美江東謂之蓴龜

茆白

蔣菰 廣雅蔣菰亦謂之茭白

菰筍 菰菜 本草綱目菰筍一名茭筍一名茭白一名菰菜

菰首 學圃雜疏菰首者卽今之茭白也然菰實有米而今茭白未聞有之或者野茭乃生米也

綠節 西京雜記菰之有首者謂之綠節

烏鬱 留青日札烏鬱俗名灰茭按菰心中有黑點者是

牛蘄 馬蘄 爾雅茭牛蘄疏似芹可食菜也一名茭一名牛蘄一名馬蘄又本草綱目牛蘄一名胡芹一名野茴香

芹

楚葵 水英 爾雅芹楚葵註今水中芹菜疏水芹一名水英

白芷 爾雅翼白芹舒蘄多有之土人呼爲白芷

蜀芹 苔菜 水葡萄 本草綱目頌曰紫芹赤芹淮南名楚葵宜春郡名蜀芹豫章郡名苔菜晉陵郡名水葡萄

苦蘄 本草綱目苦蘄芹菜蘄當作蘄後省作芹又爾雅齧苦莖註卽莖葵時珍曰此旱芹也

蕨

山菜 藟 陸璣草木疏蕨山菜也周秦曰蕨齊魯曰



藟

苳藟 廣雅苳藟藟也按爾雅藟月爾疏卽紫藟也似

藟可食是紫藟乃似藟之菜非卽藟也

莽芽 通志藟莽芽也四皓食之而壽

烏昧 正字通烏昧藟也

小兒拳 曲洧舊聞具茨人雖採藟爲蔬茹然不知其

名但呼爲小兒拳

薇

金櫻芽 詩采薇薇註薇金櫻芽也

垂水 爾雅薇垂水疏草生於水濱而枝葉垂於水者

曰薇也

迷蕨 朱子詩傳蕨似蕨而差大山間人食之謂之迷蕨

灰條菜 月令廣類蕨即今灰條菜紅者佳白曰蛇灰有毒

苦遮 演繁露蕨山中極多俗呼苦遮韻會引詩註名苦盆

巢菜 韻會蕨今之野豌豆苗也蜀謂之巢菜又本草綱目即名蕨爲野豌豆大巢菜

苜蓿

懷風 光風 連枝草 西京雜記苜蓿一名懷風一名光風茂陵人謂之連枝草

收宿 木粟 塞鼻力遊 本草綱目苜蓿郭璞作收  
宿謂其宿根自生可飼牧牛馬也羅願爾雅翼作木  
粟言其米可炊飯也金光明經謂之塞鼻力遊

蘿蔔

紫花菘 溫菘 靚葵 蘆服 爾雅葵蘆菘註菘宜  
作菘疏紫花菘也俗呼溫菘似蕪菁大根一名葵俗  
呼靚葵一名蘆服今謂之蘿蔔是也

菴蓂 唐韻魯人名菴蓂秦人名蘿蔔

破地錐 土酥 農書北人蘿蔔一種四名春日破地

錐夏曰夏生秋曰蘿蔔冬曰土酥

萊菔 埤雅蘆菔一名萊菔又名萊服能制麩毒言來



薺之所服也

蘿𦍋 本草綱目蘿𦍋南人呼爲蘿𦍋𦍋與雹同見晉灼漢書註中

楚菘 秦菘 圖經本草紫花菘溫菘皆南人所呼吳人呼楚菘廣南人呼秦菘

張知縣菜 補筆談忠定張尙書曾令鄂州崇陽縣民有入市買菜者公名諭之曰邑居之民無地種植且有他業買菜可也汝村民皆有土田何不自種而費錢買菜筓而遣之自後人皆置圃至今謂蘆服爲張知縣菜

葵子 癸辛雜志今成都麪店下呼蘿𦍋爲葵子

蘇州兒 成化杭州志青頭蘿蔔俗名爲蘇州兒

蔓菁

葑

禮記采葑采菲註葑蔓菁也

蕒

蕒蕒

蕒菁

蕒

爾雅蕒蕒蕒蕒疏毛傳云葑須

也謂此蕒蕒也陸璣云葑蕒菁幽州人謂之芥方言  
云蕒蕒蕒菁也蕒與葑同則葑也蕒也蕒菁也蔓菁  
也蕒蕒也蕒也芥也七者一物也又本草綱目謂蕒  
蕒卽山羊蹄

大芥

方言陳楚謂之蕒齊魯謂之蕒關西謂之蕒菁

趙魏謂之大芥

九英菘

蔬譜蕒菁又名九英菘

冥菁 芴菁 急就篇註蔓菁一曰冥菁一曰芴菁

臺菜 埤雅蔓菁今俗謂之臺菜

諸葛菜 劉禹錫嘉話諸葛武侯行軍所止必令兵士

皆種蔓菁云有六利故蜀人呼蔓菁爲諸葛菜按山

堂肆考謂蔓菁卽蘆菔李時珍曰蔓菁蘆菔根物花

子俱別非一類也蔓菁是芥屬蘆菔是菘屬

名精 夢溪筆談註名精卽蔓菁也

馬王菜 溪蠻叢話猫獠猺獠地方產馬王菜味澀多

刺卽諸葛菜也相傳馬殷所遺故云

蒿苳

千金菜 清異錄蒿苳名千金菜周國使者來隋人求



得菜種酬之甚厚故名

福苣 格物論苣苣菜一名福苣又本草綱目謂福苣  
卽苦菜

苣筍 蔬譜苣苣江東人謂之苣筍

生菜 本草綱目白苣苦苣苣苣俱不可煮烹皆宜生  
按去汁鹽醋拌食通可曰生菜按白苣王氏農書謂  
之石苣苦苣卽苦菜見前

菠薐

波斯草 赤根菜 本草綱目菠薐一名波菜一名波  
斯草一名赤根菜

雨花菜 清異錄鍾謨嗜菠薐菜文其名曰雨花菜

蕈

中馗 土菌 馗廚 爾雅中馗菌註地蕈也似蓋今江東名爲土菌亦曰馗廚

地菌 玉篇蕈地菌也

菰子 地雞 獐頭 本草綱目土菌一名杜蕈一名

地蕈一名菰子藏器曰爾雅孫炎註云地蕈或云地雞亦云獐頭又燒灰地上經秋雨生重臺者名仙人帽

負苞 潛夫論中堂生負苞註負苞朽木菌也

紅丁 貫休詩菌簇紅丁出靜槎按紅丁卽菌也詩人象形借用耳

雞鵲 升菴外集雲南名佳蕈曰雞鵲鳥飛而歛足菌形似之故以雞名也七修類藁作雞宗以其同雞烹食至美之故

竹蓐 本草綱目竹蓐一名竹肉一名竹菰一名竹蕈生朽竹根節上狀如木耳紅色

麇菰

肉蕈 羊肚菜 本草綱目麇菰一名肉蕈白色中空本小末大狀如未開玉簪花一種如羊肚有蜂窠眼者名羊肚菜

木耳

蕈 說文蕈木耳也亦作櫛



箭茈 集韻箭茈木耳

木樛 木菌 樹雞 木蛾 木縱 本草綱目木耳

一名木樛一名木菌一名樹雞一名木蛾一名木縱

桑鷺 五鼎芝 清異錄北方桑上生白耳名桑鷺貴

有力者咸嗜之呼五鼎芝按木耳有五桑槐楮榆柳

是也此爲桑耳鷺本草作蛾亦名桑樛桑雞又名桑

臣桑黃桑上寄生又柘亦有耳名柘黃

赤雞 本草綱目槐耳亦名槐樛槐菌槐雞赤雞槐蛾

地踏菰 本草綱目地耳亦石耳之屬狀如木耳俗名

地踏菰

鹿角菜

猴葵 南越志猴葵一名鹿角本草綱目鹿角菜生東南海中石厓間長三四寸大如鐵線分丫如鹿角紫黃色味極滑美若久浸則化如膠狀

苔菜

龍鬚菜 本草綱目龍鬚菜生東南海邊石上叢生無枝葉長者尺餘白色以醋浸食之和肉蒸食亦佳博物志一種石髮似指此物按此卽今所謂苔菜是也亦有青綠色者與石衣之石髮同名異類

黃花菜

羊角菜 食物本草白花菜一名羊角菜又一種名黃花菜卽同此類

紫菜

紫莢 本草綱目紫菜一名紫莢詵曰生南海中附石  
正青色取而乾之則紫色

石花菜

珊瑚枝 雞腳菜 本草綱目石花菜一名珊瑚枝生南海  
沙石間狀如珊瑚有紅白二色一種稍粗似雞爪者  
謂之雞腳菜味更佳

芋

蹲鴟 史記卓文君云岷山之下野有蹲鴟註芋也又  
蹲鴟漢書作踐鴟又大指亦名蹲鴟

莒

說文芋齊人呼爲莒



青烏 廣雅青烏芋也

土芝 山堂肆考芋一名土芝

天河生 詞林海錯康巢縣呼芋頭爲天河生

博羅 蔬譜大者謂之芋頭嘉定名之博羅旁生小者謂之芋嫻

赤鸛頭 益部方物畧記蜀芋多種鸛芋爲最美俗號

赤鸛頭

芋渠 馬融廣成頌其土毛則藁荷芋渠註芋渠卽芋魁也

黃獨 土卵 冷齋夜話老杜詩曰黃獨無苗山雪盛

黃獨者芋魁小者耳江南名曰土卵又本草綱目一

名土豆

紫卵 孔平仲詩芋迸紫卵壯

山藥

薯蕷 薯藥 負暄雜錄山藥本名薯蕷唐代宗諱豫  
改名薯藥宋英宗諱曙改名山藥

玉延 孫真人千金方薯蕷生於山者名山藥秦楚之  
間名玉延

諸薯 修脆 諸蕷 本草綱目吳普曰薯蕷一名諸  
薯一名兒草一名修脆頌曰山海經云景山多諸蕷  
音同薯蕷是一種

天公掌 拙骨羊 清異錄淇薯藥稱最大者號天公

掌次者號拙骨羊

月一盤 清異錄蜀孟昶月旦必素餐性喜蓴菜左右  
因呼蓴菜爲月一盤

土藷 山藷 稽含草木狀土藷卽山藥又名山藷

銀條德星 藥譜山藥曰銀條德星

山芋 爾雅翼山藥一名山芋

玉柱 曲洧舊聞沈天休採藥見一藤引蔓甚遠掘之  
大如柱蓋山藥也戲目爲玉柱其後鬻山藥者皆冒  
玉柱之名又中指饅頭皆名玉柱

玉杵 清異錄吳淑冬日招客詩云曉羹沈玉杵杵謂  
山藷



甘藷

朱藷 番藷 本草甘藷一名朱藷一名番藷按甘藷  
薯蕷之類葉如芋實如拳有大如甌者秋熟今俗通  
謂之番藷

玉枕藷 三家藷 清異錄嶺外多藷味極甘香本名  
玉枕藷又號三家藷

百合

播 玉篇播百合也

藷菜 類篇藷菜百合也

摩羅 重箱 中逢 重邁 中庭 本草綱目別錄  
曰百合一名摩羅一名重箱一名中逢花吳普曰一

名重邁一名中庭

蒜腦諸

清異錄侯寧極名百合爲蒜腦諸

強瞿

倒仙 玉手爐

八閩志強瞿百合也俗呼倒

仙又名玉手爐

慈姑

茨菰一本草綱目慈姑一根歲生十二子如慈姑之乳

諸子故以名之一作茨菰

鳧茨

學圃雜疏茨菰古曰鳧茨種淺水中夏月開白

花秋冬取根食味亞於香芋又本草綱目以鳧茨爲

荸薺而慈姑別名河鳧茨

茈實

物類相感志茈實一名慈姑

藉姑

白地栗

本草綱目慈姑一名藉姑一名水萍

一名白地栗其苗名剪刀草箭搭草槎丫草燕尾草

瓠

壺盧

葫蘆

詩八月斷壺註壺瓠也埤雅亦曰壺盧

本草俗作葫蘆

瓠

南史徐文伯祖熙隱於秦望山有道士過求飲

留一瓠與之

蒲盧

解頤新語瓠之細腰曰蒲盧蜂之細腰曰蒲盧

匏壺

食物本草瓠卽匏也有甘苦二種又名匏壺

匏瓜

食物本草壺盧名匏瓜味似冬瓜小者名瓢

淨街槌

清異錄瓠少味無韻葷素不宜俗呼淨街槌



土葫 黃潛詩小摘土葫繁按土葫瓠也

胞嚙 劉向九歎胞嚙囊於筐簾註胞嚙匏瓢也

瓠棲 爾雅瓠棲瓣疏瓣瓠中瓣也一名瓠棲 瓠瓣

瓜

地芝 廣雅地芝瓜也

土芝 稽含瓜賦序世云三芝瓜處一焉謂之土芝又

芋亦名土芝

御蟬香 清異錄洛南瓜長幾尺皺文酷似蟬文圃人

連蔓移土檻送上命之曰御蟬香

百子瓮 清異錄果中子繁者惟瓜故嗜者目爲百子

瓮又石榴名

蜜筍 傳元瓜賦舊有蜜筍嘉味鮮類寡儔

蒲鴿青 杜甫詩傾筐蒲鴿青註謂瓜也

翠瓠 瓊罌 劉子翬詩翠瓠瓊罌纔一握按謂瓜也

天羅絮 布瓜 草木記絲瓜一名天羅絮又名布瓜

以下  
絲瓜

蠻瓜 本草綱目絲瓜昔人謂之魚鱗或云虞刺史自南方來故曰蠻瓜

陰瓜 本草綱目王禎農書云陰瓜宜陰地種之秋熟色黃如金皮膚稍厚可藏至春食之如新疑此卽南瓜也 南瓜

甜瓜 學圃雜疏甜瓜以香而小者爲第一作黃綠二

色豈卽邵平所種五色子母瓜耶按此疑今俗所稱

香瓜是也

以下香瓜

甘瓜 果瓜 本草綱目甜瓜一名甘瓜一名果瓜

寒瓜 神異經寒瓜冬瓜也又西瓜亦名寒瓜

以下冬瓜

白瓜 水芝 本草綱目冬瓜一名白瓜一名水芝

越瓜 本草綱目越瓜以地名也俗名稍瓜南人呼爲

菜瓜一種長二尺許俗呼羊角瓜

菜瓜

胡瓜 食物本草黃瓜一名胡瓜避石勒諱故改黃瓜

黃瓜

錦荔枝 癩蘿蔔 食物本草苦瓜一名錦荔枝卽癩

蘿蔔是也

苦瓜



瓢 犀 簾 事物紺珠瓜肉曰瓢瓜子曰犀又廣雅

子謂之簾 瓜肉瓜子

筍

竹萌 爾雅筍竹萌疏凡草木初生謂之萌筍則竹之

初生者故曰筍竹萌也

竹胎 陸璣詩疏廣要竹胎曰筍

竹蕝 竹牙 初篁 竹子 筍譜筍一名竹蕝一名

竹牙一名初篁一名竹子

稚子 穉龍 籜龍 龍孫 竹譜筍世呼爲稚子又

曰穉龍曰籜龍曰龍孫

綠施 酉陽雜俎綠施筍名

妬母草 卑雅俗呼筍爲妬母草言筍旬有六日而齊

母也

佛影蔬 廣韻藻暹羅迦羅島名筍曰佛影蔬

玉版師 冷齋夜話東坡邀劉器之同叅玉版師至廉

景寺燒筍而食器之問何名東坡曰名玉版也此老師善說法能令君得禪悅之味又楊廷秀詩不如來叅玉版僧

邊幼節 清異錄余爲筍效傳休奕作墓誌曰邊幼節字脆中晉林琅玕之裔也

甘銳侯 清異錄虛中子生子茁封甘銳侯按謂笋也

羊角 表異錄皮蕃食竹筍曰三年不見羊角哀矣

刮腸篴 本草註筍蕨多食皆能燥血故筍有刮腸篴之名

日華胎 雲笈七籤竹筍者日華之胎也

春龍 陸龜蒙詩春龍爭地養檀欒按謂筍也

錦襴兒 張子湖謝筍脯詩且復從遊錦襴兒全芳備俎錦襴兒筍名也

蒼龍骨 徐夔筍詩纍纍節轉蒼龍骨寸寸珠含巨蚌胎

玳瑁簪 白玉嬰 陸游筍詩鱗鱗穿苔玳瑁簪又苦

筍詩駢頭脫襪白玉嬰

黃犢角 黃庭堅詩春筍初生黃犢角



龍雛 蘇軾詩隣里亦知偏愛竹春來相與護龍雛

玉虬 朱文公新筍詩下有萬玉虬三冬卧寒土

獐龍 朱子謝劉仲行惠筍詩縛得獐龍并寄我

木魚 蘇軾詩贈君木魚三百尾按櫻筍名木魚 櫻筍

蘆 爾雅註江東呼蘆筍爲蘆 蘆筍

諫筍 表異錄苦筍曰諫筍 以下苦筍

嚇飯虎 周紫芝劉主簿許餉苦筍詩此君自是盤中

虎空想斑斑箸下人註杭人重苦筍號爲嚇飯虎

猪蹄紅 蚤筍 筍譜冬月卽生理頭土中以鋤掘之

可三寸許其味極鮮甲於他筍未出土名猪蹄紅長  
尺許其籜元又名元筍又名蚤筍蓋冠諸筍而先出

事物異名錄  
卷二十一  
者元筍

貓頭咸淳臨安志毛筍一名貓頭毛筍

鞭筍筍譜邊笋卽毛筍之旁出者方筍盛時生氣上升筍皆豎生氣旣衰根卽橫生盡其力可橫互十餘丈至地之邊際與竹之長短相稱謂之竹邊故名邊

筍又其狀類鞭亦名鞭筍邊筍

潭筍萬歷杭州府志冬筍俗名潭筍以下冬筍

苞筍本草綱目冬筍東觀漢記謂之苞筍

藟

纏齒羊清異錄馬希範病酒厭膏膩袁居道曰大王

今日使得貧家纏齒羊詢其故則蔬茹也

百歲羹 清異錄俗號薤爲百歲羹言雖百歲可常享也

冰壺先生 玉壺詩話宋太宗命蘇易簡講文中子因問食品何物最珍對曰臣止知薤汁爲美屢欲作冰壺先生傳紀其事

金釵股 荆楚歲時記南人作鹽菹菹旣甜脆亦酸美其莖爲金釵股醒酒所宜也





事物異名錄卷二十四

慈谿 厲靜菴先生荃 原輯

仁和 關晉軒先生愧 增纂

蔬穀部下

穀

嘉生 漢書郊祀志神降之嘉生註應劭曰嘉穀也

稻

嘉蔬 禮記稻曰嘉蔬

稌 爾雅稌稻疏內則牛宜稌邠風十月穫稻是一物也字林云糯黏稻也秔稻不黏者秔糯相類黏不黏爲異耳依說文稌稻卽糯也江東呼粳

秬 說文秬稻屬伊尹曰飯之美者南海之秬

敦實 春秋繁露宗廟之祭冬上敦實敦實稻也冬之所畢實也

白粳 海篇白粳稻名

烏稜 字典稻名烏稜

箭子 稻品稻之上品曰箭子有一穗而三百餘粒者謂之三穗子

穠稬 戒菴漫筆穠稬杜牧之作罷亞註云稻名黃東發云罷亞稻之態非稻名也

麇牙 白居易詩祿米麇牙稻

馬尾 王炎詩稻如馬尾覆溝塍



黃雲 滕白詩行到秋苗初熟處翠茸錦上織黃雲又  
麥熟亦名黃雲

紅蓮 中吳紀聞紅蓮早稻從古有之陸魯望云近炊  
早稻識紅蓮

半夏 蔡邕月令章句九月熟者謂之半夏稻

旱稜 六書故稻性宜水亦有同類而陸種者謂之陸  
稻記曰煎醢加於陸稻上今謂之旱稜

雲子 謝華啟秀山稻名雲子

和尚稻 曲洧舊聞洛下土人以稻之無芒者爲和尚  
稻亦猶浙中呼師婆粳

米

粉米 書藻火粉米註粉米白米

庚癸 左傳吳申叔儀乞糧于公孫有山氏對曰糧則無矣麤則有之若登首山以呼曰庚癸乎則諾范成大詩一飯但慙庚癸諾百年甘守甲辰雌按庚癸謂米糧也

精粲 正字通米之美者曰精粲

長腰鎗 李賀憶昌谷山居詩長鎗江米熟註漢上呼米爲長腰鎗

神江白 蘇軾糴米龍川詩炊香未許神江白自註神江白米名

藟散 陸游詩已炊藟散真珠米更點丁坑白雪茶註

藟散米名

紅霞米

桃花米

演繁露赤米米之惡者也俗呼紅

霞米南史任昉載桃花米卽赤米是也

火米

古詩註土人以五月收米爲火米

通腸米

錦繡萬花谷荆南孫儒之亂米斗四十千持

金寶換易纔得一撮一合謂之通腸米言饑人不可食他物惟煎米飲可以通腸胃

雕菰

雕胡

安胡

彫蓬

雁膳

本草綱目菰米

須霜彫時采之故謂之雕菰或訛爲雕胡枚乘七發謂之安胡爾雅齧彫蓬孫炎註云彫蓬卽茭米管子書謂之雁膳菰米



潘 瀾 說文潘浙米汁也又瀾潘也周禮彙人註潘

瀾 芟餘米汁

秣

衆 黏粟 爾雅衆秣疏衆一名秣謂黏粟也按崔豹

古今注云秣爲稻之黏者許慎說文云秣稷之黏者  
也汜勝之書云梁是秣粟蘇頌圖經云丹黍米黏者  
爲秣據此則黍稷稻粱之黏者皆謂之秣本草綱目  
時珍曰秣卽梁米粟米之黏者崔豹許慎蘇頌之說  
皆誤

糯粟 黃米 黃糯 本草綱目秣體柔弱俗呼糯粟

是矣北人呼爲黃糯亦曰黃米釀酒劣於糯也又黍

亦名黃糯

秔

粳米 字林秔稻不黏者秔糯甚相類黏不黏爲異耳  
本草粳米卽人所常食米也

晚稻 稻品粳之小者謂之秈秈之熟也早故曰早稻  
粳之熟也晚故曰晚稻

秈

占稻 早稻 本草綱目秈一名占稻一名早稻種自  
占城國故謂之占其熟最早六七月可收

紅鮮 杜甫詩紅鮮任霞散按本草綱目秈亦粳之先  
熟而鮮明者有赤白二色則紅鮮乃指粳秈耳

禾

嘉穀 說文禾嘉穀也木王而生金王而死得時之中故謂之和

仁卉 晉徵祥說嘉禾仁卉也又晉灼曰禾野生曰旅粟

禾子 說文粟禾子也江東人呼粟爲粢

小米 正字通粟在古但稱爲粱後人乃專以粱之細者名粟故北人謂之小米

趕麥黃 百日糧 八月黃 老軍頭 鴈頭青 本草綱目粟或因時賦名早則有趕麥黃百日糧之類中則有八月黃老軍頭之類晚則有鴈頭青寒露粟



之類

梁

薌蕕

禮記梁曰薌蕕

秬粟

正字通黏者爲秬不黏者爲粟因呼梁爲秬粟

以別秬而配秬按梁卽粟也故亦稱粟考周禮九穀六穀之名有梁無粟可知矣時珍曰自漢以後始以大而毛長者爲梁細而毛短者爲粟

竹根黃

爾雅翼黃梁香美逾于諸梁人號爲竹根黃

黍

薌合

禮記黍曰薌合

杝實

春秋繁露宗廟之祭秋上杝實杝實黍也秋之

所先成也

糖粬 字典蜀人謂黍曰糖粬

黃糯 古今注禾之黏者爲黍亦謂之稌亦曰黃黍爾

雅翼可爲酒關東人謂之黃米酒亦謂黍爲黃糯

糜子 真珠船說文爾雅翼皆謂黍爲黏余按詩緝云

黍有二種黏者爲秠可以釀酒不黏者黍今關西總謂之糜子黏者曰黏糜子不黏者曰飯糜子按黍與稷類黏者爲黍不黏者爲稷而秠又粟之黏者此誤以秠爲黍其所謂不黏者卽是稷非黍也

小米 七修類藁黍卽今小米北方以之作酒小米有二種如稻有秠糯耳黍是小米之糯者按此則粟乃

小米之秔者亦謂之小米

藿 芭 秔 秔 本草綱目赤黍曰藿曰縻白黍曰

芭黑黍曰秔一秔二米曰秔按縻卽藿音之轉也

紅蓮米 赤蝦米 本草綱目瑞曰丹黍米浙人呼爲

紅蓮米江南多白黍間有紅者呼爲赤蝦米按此卽

赤黍所謂藿是也又紅蓮早稻名

高粱 蜀秫 蘆稭 蘆粟 木稷 荻粱 穀譜蜀

黍一名高粱一名蜀秫一名蘆稭一名蘆粟一名木  
稷一名荻粱以種來自蜀形類黍稷故有諸名種不

宜卑下地

稷



明粢 爾雅粢稷疏左傳云粢食不鑿粢者稷也曲禮云稷曰明粢是也郭云今江東呼粟爲粢然則粢也稷也粟也正是一物而本草稷米在下品別有粟米在中品又似二物故先儒甚疑焉按本草綱目時珍曰稷與黍一類二種黏者爲黍不黏者爲稷稷可作飯黍可釀酒猶稻之有粳與糯也

縻 纂 七修類藁稷乃一歲中最先種者關西呼縻冀州呼纂不甚珍貴農家種之以備他穀之不熟也卽南方所謂烏山稻類

稌 本草綱目蘇恭曰稌卽稷也關中呼其米爲黃米與黍同類按黍大體似稷故古今注亦謂黍爲稌

稊稂 類篇稊稂稂別名也

麥爭場 曲洧舊聞稂西北人呼爲麋子有兩種早熟

者與麥相先後五月間熟者鄭人呼爲麥爭場

黍子 本草綱目稂有赤白黃黑數種黑者禾稍高今俗通呼爲黍子不復呼稂矣

大糒 詩大糒是承註糒黍稂言諸侯無不奉黍稂來助祭也 以下黍稂總名

曾淖 儀禮註曾淖黍稂也

麥

首種 王方慶疏宿麥以秋種故謂之首種

來麴 說文來麴麥也漢書劉向傳作釐麴又廣雅大

麥麩也小麥麩也

迎師 錯麥 庶物異名疏翻譯名義集云迎師後堂

云唐言錯麥南泉抄以錯麥爲大麥十誦指迎師爲

小麥又本草綱目梵書名麥曰迎師錯

香穬 詞林海錯韓愈詩納涼吸冷漬香穬穬麥也楚

辭稻梁穬麥挈黃粱些

樽實 春秋繁露宗廟之祭夏上樽實樽實麩也夏之

所初受也

六田首 李商隱瑞雪表雪爲五穀之精麥爲六田之

首

稞 字典青州謂麥曰稞



烏麥 正字通蕎麥亞於麥麴一名烏麥亦名莠麥以下

蕎麥

花蕎 本草綱目蕎麥一名花蕎俗亦呼爲甜蕎

雀麥 爾雅蕎雀麥疏蕎一名雀麥一名燕麥以下

杜姥草 牛星草 本草綱目雀麥一名杜姥草一名

牛星草

烏昧草 丹鉛錄烏昧草卽今野燕麥淮南謂麥曰昧

故史從音爲文

阿師 正字通穆天子傳爰有埜麥與燕麥同內經謂

之阿師

芒粟 食物本草穡麥又名芒粟

穡麥

事物異名錄 卷二十四 麻  
芝麻

狗蝨 藤弘 本草綱目胡麻一名狗蝨廣雅胡麻一名藤弘別錄一名鴻臚者乃藤弘之誤也又藤弘集韻作苧藤

油麻 筆談胡麻卽今油麻古者中國止有大麻其實爲蕒漢使張騫始自大宛得油麻種來故名胡麻以別中國大麻也

交麻 事物原始胡麻石勒時諱胡字改名芝麻隋改胡麻曰交麻又芝麻穀譜作脂麻

何何 戒菴漫筆杭俗多南渡遺風糴芝麻者叫何何舊姓何者鬻此故也

水寶 雲笈七籤水寶胡麻也

方莖 抱朴子胡麻一名方莖服餌不老耐風濕其葉

名青襄

藕 素問註胡麻一名藕卽黑芝麻 以下黑芝麻

巨勝 爾雅翼胡麻一名巨勝正字通言其大而勝卽

今黑芝麻也

元清卉醴 雲笈七籤黑巨勝一名元清卉醴

雲草元液 无上秘要雲草元液者黑苕藤是也一名

元清

麻粩 本草綱目竿去油麻滓名麻粩音辛荒歲人亦

食之可以養魚肥田 麻餅



豆

菽 荅 廣雅大豆菽也小豆荅也

角果 庶物異名疏梵文以大小豆等爲角果

飯豆 農書今之赤豆白豆綠豆豔豆皆小豆也白豆

亦曰飯豆 白豆

紅豆 本草綱目赤豆一名紅豆 以下赤豆

相思子 資暇錄豆有圓而紅其首烏者世呼爲相思子卽紅豆之異名也

植豆 本草綱目志曰綠豆大者名植豆時珍曰粒粗而色鮮者爲官綠粒小而色深者爲油綠早種者爲摘綠遲種者爲拔綠 以下綠豆

勿伽 正字通梵言勿伽此云綠豆

沙田豆 仁和縣志青豆炒食嫩者爲烘豆稱沙田豆

按俗謂毛豆者是也

青豆

冶豈 豈菽 彙苑豈豆一名冶豈葉似葛而實長尺

餘可蒸食一名豈菽

以下豈豆

瞭豆 鹿豆 正字通豈音勞野豆卽今瞭豆本草名

鹿豆爾雅謂之藎

野綠豆 菹 本草綱目豈豆王磐野菜譜作野綠豆

爾雅藎鹿藿其實菹卽此

降雙 本草綱目豈豆一名降雙此豆莢必雙生故有

降雙之名廣雅指爲胡豆誤矣又孫愐以番豆爲降

雙亦非豆

狸沙 獵沙 古今注狸豆一名狸沙一名獵沙葉似

葛而實大如李核可啗又江東雜志白豇一名狸豆

以下  
狸豆

虎豆 正字通黎豆一名虎豆又名狸豆以莢老則黑色有毛子有黑點如虎狸斑文也

虎鼻 本草綱目爾雅虎鼻卽狸豆也

𧄸豆 𧄸豆 博雅𧄸豆𧄸豆𧄸豆也字典一

說𧄸豆名畢豆亦作𧄸豆 以下𧄸豆

青小豆 青斑豆 回鶻豆 淮豆 正字通𧄸豆莢

長寸許子員一名青小豆老則斑麻故又名青斑豆



遼志名回鶻豆鄉人呼爲淮豆

胡豆 戎菽 麻累 國豆 本草綱目胡豆豌豆也

種出胡戎爾雅戎菽謂之荏菽註卽胡豆也孫思邈千金方云胡豆一名麻累鄴中記云石虎諱胡改胡豆爲國豆皆指豌豆也按爾雅疏云戎菽大豆也而豌豆有青小豆之名則似非大豆矣又蠶豆亦名胡豆

安豆 字典楊慎引唐六典有豎豆音彎卽豌豆俗譌呼爲安豆

寒豆 食物本草豌豆卽寒豆也

翹搖 搖車 翹車 本草綱目藏器曰翹搖幽州人

謂之茗搖爾雅杜夫搖車俗呼翹車是已時珍曰一名野蠶豆按穀譜以翹搖爲野豌豆蓋豌豆俗亦呼蠶豆故也

胡豆 本草綱目蠶豆一名胡豆種亦自西胡來故與豌豆同名今蜀人呼此爲豌豆不復名胡豆矣按吳瑞本草以蠶豆爲豌豆似誤姑兩存之 以下蠶豆

王墳豆 百尺梧桐閣集昌化伯邵王墳側蠶豆顆大味鮮杭人稱王墳豆

碧珠 楊萬里蠶豆詩翠英中排淺碧珠

小巢 陸龜蒙詩序蜀蔬有兩巢大巢卽豌豆之不實者小巢生稻畦中東坡所賦元脩菜是也吳中絕多

名漂搖草一名野蠶豆

稽豆 料豆 正字通黑豆中最細者曰稽豆一曰料

豆北人以飼馬 以下黑豆

零烏豆 杭州府志黑豆細而扁者零烏豆俗名馬料

豆

五臟穀 荆湘近事李守愚侵晨井華水吞黑豆五七

粒謂之五臟穀至老視聽不衰

沿籬豆 蛾眉豆 屢屢豆 正字通菹豆一名沿籬

豆俗名蛾眉豆花狀如小蛾趙宦光曰菹豆一名屢

屢豆按卽俗謂羊眼豆是也 以下菹豆

鵲豆 正字通一種子粗員色白俗名白扁豆入藥又



有色黑者黑間白道如鵲羽謂之鵲豆氣味小冷與白者微別

挾劍豆 正字通刀豆酉陽雜俎謂之挾劍豆以莢形似劍脊三稜也刀豆

落花生 土露子 物理總論番豆名落花生土露子二三月種之一畦不過數子行枝取土壓之開花落土成實冬後掘土取之殼有紋豆黃白色炒熟甘香似松子味番豆

腐婢 名醫別錄腐婢小豆花也豆花

莢 藿 其 本草綱目豆角曰莢葉曰藿莖曰其角豆

豆葉  
豆莖

稂

童梁 宿田翁 守田 爾雅稂童梁疏稂一名童梁  
陸璣草木疏云禾秀爲穗而不成謂之童梁今人謂  
之宿田翁或謂之守田

孟 狼尾 狼茅 爾雅孟狼尾疏草似茅者一名孟  
一名狼尾按本草綱目謂之狼茅卽稂童梁也又名  
董節

稗 稗 本草綱目稗乃禾之卑賤者故字從卑稗苗  
似稗而穗如粟有紫毛卽烏禾也

莠

狗尾草 光明草 阿羅漢草 正字通狗尾草莖治

目痛故名光明草一名阿羅漢草卽莠也

藁

𥽿

稈

穉

廣雅黍穰謂之𥽿稻穰謂之稈稷穰謂

之穰又小爾雅藁謂之稈稈謂之芻

糠

𥽿

禮記會守拊鼓註拊者以韋爲表裝之以糠一名

相今齊或謂糠爲相

蠱

爾雅糠謂之蠱疏左傳穀之飛亦爲蠱是也

𥽿

博雅糠謂之𥽿

𥽿頭

漢書陳平傳食糠𥽿註今京師人謂粗屑爲𥽿

頭又𥽿一作紇



篩草實

自然穀 禹餘糧 博物志海上有草名篩其實食之  
如大麥七月稔熟名曰自然穀或曰禹餘糧又夢溪  
筆談赭魁似何首烏閩嶺人謂之餘糧按此別是一  
物



皇朝通志

卷一百一十四

十三



